



Synfocity = 553

mail us at : mzsynfo@gmail.com; mizoramsynod@gmail.com - Phone - 231464810th September, 2015**□ Synod-in chhawmdawlna pe**

Tun hnaia harsatna hrang hrang neite hnenah Synod Relief Fund atangin chhawmdawlna hetiang hian pek an ni.

S.No	Khua	Pek chhan	Chhungkaw zat	Chhawmdawlna pek zat
1.	Lengpui Model Veng	Damlo/Rethei	4	Rs. 32,000/-
2.	Laipuitlang	Leimin tuar	1	Rs. 8,000/-
TOTAL				Rs. 40,000/-

□ Synod chuan Kohhran dingghehna atan Nursery Veng Kohhran hnenah Rs. 10,00,000/- (Cheng Nuaisawm) a pe.**□ Myanmar tuilian tanpuina**

Mizoram Presbyterian Kohhran Synod-in Myanmar tuilian tuarte tanpuina thawhlawm a lakkhawm chu Synod Officer's Meeting chuan Presbyterian Kohhran mite chauh ni lovin Zo hnahtlak, tuilian tuar zawng zawng hnenah pek turin a rel a. Tanpuina hi Presbyterian Church of Myanmar (PCM) Hruaitute hnenah September thla chawhma lama Aizawla lo kal tura sawmin an kuta hlan tura ruahman a ni. Myanmar tuilian tuarte tanpuina thawhlawm, September 4, 2015 (Zirtawpni) thlenga dawn chu Rs. 28,42,231/- a ni.

□ Zin

- September 9 - 14, 2015 chhung hian Tripura & Karbi Anglong Field Committee nei turin Rev. PC. Pachhunga, Executive Secretary, Rev. Lalbiakvulmawia leh Upa D Nghmingthanga te an kal.

- September 9 - 11, 2015 chhung hian CMC, Ludhiana-ah General Body Meeting naa tel turin Rev. Lalramliana Pachuau, Executive Secretary leh Dr. Vanlalruata, Director Synod Hospital te an kal.

- September 9 - 10, 2015 chhung Delhi Transit Accomodation enfel turin T.Upa Thangliankhuma, A.E Synod Office a kal.

□ Refresher Course Programme hmang dawn

September 12 - 21, 2015 chhung hian Church of South India (CSI) chuan Mizoram-ah an Kohhran Pastor 19 chu Refresher Course Programme hmang turin arawn tir a, Mizoram Presbyterian Kohhran Synod-in lo dawngsawngin a tul angin a lo buaipui ang. Ruahman dan chuan September 14, 2015 tlaiah CSI Pastor lo kalte hi Synod Moderator-in zanriah a buatsaihsak ang a, Cultural item leh Solo ngaihthlak a ni bawh ang. CSI nen hian Pastor Refresher Course hi kumtin in hman thleng tura ruahman a ni.

□ Synod Hospital

Synod Hospital, Durtlang-ah Lithotripsy khawl (Kala lungte awm chhut kehna) chu hman theih turin bun fel a ni ta a. Kala lungte awm chhut kehna man Package Rate chu Rs. 30,000/- a ni a. Hei hian vawi khata a chhut keh zawh loh pawhin vawi thum chhut thleng a huam a ni.

□ MTC

September 1 - 6, 2015 Beihruah Ramthar Hapta chhung khan Short Course Missionary Training lai te leh zirtirtu thenkhatte Model Veng leh Mission Vengthlangah te insem darh in hun an hmang a.

September 6, 2015 (Pathianni) bikah erawh chuan Chawhnu inkhawm leh zan inkhawmah Khatla South-ah hun an hmang thung. Pathian ni chawhnuah hian Dr. Laldineni'n thupui a sawi a, Pi Lalrinawmi Staff Nurse South Chhimluang in rawngbawlna Report a pe a, Rodney Lalremruata Chhangte, B.Miss III a zai thung a. Zan Inkhawmah hian Rev. Dr. K. Lalrinkima, Principal in thupui a sawi a, H. Malsawmkimi, Itanagar in rawngbawlna report a pe a, Joel Zaithanzuala B.Miss III in Pathian fakna hla a sa bawh.

□ Synod Mission Board

- September 5, 2105 (Inrinni) khan Jharkhand Mission Field-ah ringthar baptisma chang 32 an awm. Rakhah Pahari khuaa ringthar chhungkua an neih tharte hi a hmalama Kristiana inpek tum deuh tawh, baptisma chantir hmaa sakhaw hluia lama kir leh te an ni a. An sakhaw hluia an awm leh hnu hian an fapa a thi ta hlauh mai a, anni chuan kan sual vang a ni tiin an rawn inlamlet a, Kristianah rawn inpe-in baptisma chan an rawn duh leh ta a, tichuan an chhungkuain baptisma chantir an ni ta a ni. Hmun danga ringthar an neihna, Asanbani, pawh hi hma lak tharna hmun a ni a, helai hmun pawh hi thawktute chuan beiseina an nei sang hle a ni.

- Jharkhand Field-ah hian Youth Camp Kathikund Bial leh Jugia Bialah neih mek a ni a, Dumka Bial leh Kairabani Bial ten campaign an nei mek bawh. I tawngtaipui ang u.

- September 6, 2015 (Pathianni) khan Patna Mission Field-ah ringthar baptisma chang 19 an awm. HEILA Bazar Fellowship-ah Bialtu Pastor Rev. Zairemtluanga kut atangin mi 2 in baptisma an chang a, hemi ni vek hian Mandiri Fellowship ah pawh Rev. C. Lalremzuala kutah mi 12 laiin baptisma changin Bandey Fellowship ah mi 5 in baptisma an chang bawh.

- September 8-10, 2015 chhung hian Siliguri Mission Field-a Garland hmunah Rev. Targel Lepcha Speaker a hmangin campaign neih a ni. He khua hi Darjeeling tlang a awm, Kristian la awmlahna khua a ni a, campaign hian rahtha a chhuah ngei theih nan Kohhranhoten i tawngtaipui ang u.

□ Synod Bookroom

- September 14-19, 2015 chhung hian Annual Action Plan-a dah angin Headquarters Showroom Bungraw kawlte Physical checking neih ni dawn a. Checking nei tur hian Pi B. Lalthiangi, Foreman hoin NI. R. Lalremruati, Tv. Lalhruiatluanga leh Pu K. Lungmuana te ruat an ni. Physical Checking neih chhung hian Hqrs Showroom hi khar a ni dawn a. Hemi chhung hian Bookroom Headquarters Showroom hi dawr theih a ni lovang.

- Financial Year kal mekah Bookroom budget hi Rs. 782,00,000/- a ni a. August 31, 2015 (thla 5) thleng khan Rs. 6,29,94,596.00 an thawh chhuak tawh a, chu chu Bookroom budget pumpui atangin 80.5% a ni.

- Tin, thla 5 chhung hian heng Branch - Lunglei Branch, Lawngtlai Branch leh Serchhip te hian an Budget pumpui an tlak fel tawh bawh a ni.

- Lawngtlai Branch Building sak hna kal zelah Showroom leh Stockroom chu chei theiha peih tan a ni tawh a, Ceiling, Electrification, Rack leh floor tiles te buaipui tur intirh pheih tum mek a ni. Serchhip Branch Extension pawh a hmun lai zawh fel a ni a, karleh tantir atangin ban phun thei tura inpuahchah mek a ni.

Contd...

☐ **Chhim Area News**

♦ September 6, 2015 (Pathianni) khan Synod Conference Hall, Lunglei-ah Chakma Kristian Fellowship chu Lunglei khaw chhunga Kristian ni sa, zirlai te leh sorkar hnathawk te leh mahnia eizawna avanga cheng mek ten an din thar.

Hei hi SMB in Lungleia Chakma Evangelist a dah Pu Lallianzuala Sailo leh Bru/Chakma Gospel Team, Chawngte te beihpui thlak rah chhuah niin a lang. Anni hian Lunglei huam china Chakma ringlo leh Kohhran bel mumal lote zingah Crusade hlawhtling tak an nei a. Chakma Kristian Fellowship din tur pawh hian an phur tlang hle a ni. Tunah hian Chhim Working Comt. Hnenah pawmpui tur leh a enkawltu tur bial leh Kohhrante dil tura hmalakna kalpui mek a ni. Tun dinhmunah hruaitu atan Chairman ah Pu Lallianzuala Sailo leh Secretary ah Tv. Sala Singh te ruat an ni.

♦ September 3 & 4, 2015 khan Lunglei Bazar Veng te chuan Rev. Vanlalruata Speaker a hmangin crusade hlimawm tak an nei a, ringthar te sawh nghehna a nih rualin ringlo te pawh counseling neihpui an niin ringthar baptisma chang mi 3 an awm a ni.

☐ **Music**

September 9 - 10, 2015 chhung hian Lawngtlai Bial-ah Khuangvuak Training neih a ni dawn a, hemi hmanpui tur hian Pu Lalromawia, Senior Music Instructor leh Tv. Lalchhuanawma te an kal ang.

☐ **Campus Ministry**

September 11, 2015(Zirtawpni) tlai dar 3 hian Mission Veng Kohhran Hall-ah "Hringnun Zawhna ril - Pathian a awm nge awm lo?" tih lehkhabu chu Rev. Lalrinmawia, Synod Moderator-in a tlangzarh ang.

He lehkhabuah hian zirlaite nun tibuai thei thu hrang hrang - 'Pathian awm loh rinna', 'Nun awmze thlirna', 'Science-in Pathian awm leh awm loh chungchanga a zawhna chhanna', 'Philosophy atanga Pathian chungchanga harsatna leh Kristian channa thenkhat', 'Bible-in Pathian chungchanga a sawi dana harsatna awm chhanna', 'Isua leh Kristianna takzia', 'Isua thawhleha hi khawvela thil thleng ngei a ni', 'Mihring nun awmzia leh tum - Kristian Thurin atanga thlirna', 'Tipna leh Thu belh', tih thupui hrang hrang chu mi thiamten an ziak a ni. Rs. 100/- man a ni.

☐ **Hruaina Eng FM Radio & TV Programme**

♦ **SEPTEMBER 11, 2015 (FM ZOAWI AIZAWL @ 7:30 P.M.)**

Solo : Zoramchhani - Lalpa duhzawng, **Zaipawl** : Dawrpui Bial Zaipawl - Vanram Mawiah, **Thusawi** : Upa Bonny Lalrindika - Zitirna diklo, **Solo** : Vanlalsailova - Ka hawisan phal tawh lawng, **Zaipawl** : BESY Choir - Ka Lal i ni

♦ **SEPTEMBER 11, 2015 (FM LUNGLEI @ 7:30 P.M.)**

Solo : Zoramchhani - Lalpa duhzawng, **Zaipawl** : Dawrpui Bial Zaipawl - Vanram Mawiah, **Thusawi** : Upa Bonny Lalrindika - Zitirna diklo, **Solo** : Vanlalsailova - Ka hawisan phal tawh lawng, **Zaipawl** : BESY Choir - Ka Lal i ni

♦ **SEPTEMBER 13, 2015 (Tv Programme) @ 3:00 p.m) :**

Weekly Round Up, Sawihona : Harhna Chungchang

☐ **Susamachar Prasaran Programme**

♦ **SEPTEMBER 13, 2015 (Pathianni) 5:00 pm.:**

Group/Choir/Solo : Luangmual Vengthlang - Bondhu re, **Group/Choir/Solo** : Chhinga Vengthlang - Gate he, **Sermon** : Rev. David Lalramliana Ralte, **Group/Choir/Solo** : Lunglei Area Masihi Sangati - Dil se, **Group/Choir/Solo** : Karbi Presbytery Choir - O Jisu

☐ **Moderator Programme**

Synod Moderator Rev.Lalrinmawia chuan tunkar tawpah hetiang hian hun a hmang ang :

- ♦ September 12, 2015 (Inrinni) Zan - Dampa Hmarveng, Damparengpui Bial
- ♦ September 13, 2015 (Pathianni) Chawhma - Teirei Forest, Damparengpui Bial
- ♦ September 13, 2015 (Pathianni) Chawhnu - Salem Boarding, Damparengpui Bial
- ♦ September 13, 2015 (Pathianni) Zan - Damparengpui

HRIATTIRNA

Synod Bu 2014 peih fel a ni tawh a. Synod Office, mamawh lamnaah Bial/Kohhran ta tur a lam theih e.

HRIATTIRNA

Synod Information and publicity Department chuan ram pum huap Kohhran Pavalai Pawl tan Quiz a buatsaih dawn a, Kohhran Pavalai Pawl zawng zawng te tel turin kan sawm e.

1. Quiz tan hun : **November 5, 2015(Ningani) Zan**
2. Quiz a tel tum te chu September 30, 2015 ral hmain Coordinator, Synod Information & Publicity Dept. hnenah ziakin in report tur a ni a, Contact No. dah tel tur a ni ang.
3. Inelna tur Subject:
 - a) Bible (Mizo (Lushai) OV Reference) - First Round : Marka,
Second Round : Galatia leh Ephesi
Final : Jakoba
 - b) Mizoram Presbyterian Kohhran, Presbyterian Handbook (Revised & Enlarged 2014); Round tinah telh vek a ni ang.
4. Lawmman : Pakhatna Rs. 80,000/- (Cheng Singriat)
Pahnih Rs. 50,000/- (Cheng Singnga)
Pathum Rs. 30,000/- (Cheng Singthum)
(Top 10 chin te Consolation Prize Rs. 3,000/- (Cheng Sangthum) theuh pek an ni ang)
5. Quiz-ah hian zawhna chhang tur bik mi pahnih leh a tawiawm tur mi 10 aia tam lo tel theih a ni anga, a tawiawmtute hi zawhna zawh ve thin an ni ang a, hei hi point-ah belh tel vek tur a ni ang.
6. Quiz neihna hmun tur Zosaphluia Building Top Floor, Mission Veng, Aizawl.